

САДРИДАИН САЛИМОВ

ОҚҚУШИМ

*авториниң
иљк
китоби*



САДРИДДИН САЛИМОВ

ОҚҚУШИМ

Шеърлар

Ғафур Ғулом номидаги
Адабиёт ва санъат нашриёти
Тошкент—1979

C $\frac{70403-109}{352 \ (06)-79}$ 70-79

© Faфур Fuлom номидаги Адабиёт ва санъат нашриёти, 1979 й.

* * *

Куртаклар дарахтнинг ўйлари,
Дарахтнинг ўйлари гуллайди.
Куртаклар дарахнинг куйлари,
Куйлари иқболдан сўйлайди.

Куртаклар дарахтнинг кулгиси,
Кулгилар жаранглаб берар сас.
Куртаклар дарахтнинг орзуси,
Орзулар ушалар басма-бас.

* * *

Жилдир-жилдир оқади тун жилғада,
Юлдуз бўлиб, моҳтоб бўлиб, куй бўлиб.
Жилдир-жилдир оққан туннинг мавжида
Орзу оқар ялпиз сочган бўй бўлиб.

Бир туп қамиш лабларида куй ётар
Жилға лаби гарчанд унга пайванддир.
Жилдир-жилдир шўх жилғада тонг отар
Қуёш бўлиб, осмон бўлиб кўкимтири.

★ * *

«Кокилингни қимирлат, Ҳайдар!
Болангни сув әлтмоқда, Ҳайдар!
Сени уйқу әлтмоқда, Ҳайдар!»
Бобо тонгдан буғдой шопирап.

«Бобо, мен ҳам Ҳайдар бүлайин,
Кокил нуқра ё зар бүлайин.
Чорласангиз юборай эпкин,
Бобо, мен ҳам Ҳайдар бүлайин...»

Шамол шошиб келмоқда ғир-ғир,
Хирмонга дон оқмоқда шир-шир.
Шамол бўлиб югурап гўдак,
Хирмонга дон оқмоқда шир-шир.

* * *

Қүйилганда ҳамал ёмғири шаррос
Далада бошяланг еларди опам.
Дил орзуси гүё этарди парвоз,
Күйлаб-күйлаб уйга келарди опам.

«Сочларимни узун этгин, ҳамалжон,
Юрганимда ер ўпсин қирқ кокилим.
Ўзинг осмон кокилисан ер ўпган,
Кошки ўриб қўйолсам толим-толим».

Йиллар ўтиб соchlари бўлди узун,
Бўй улади ҳамал орзусига ҳам.
Қизалорин қўлда кўтариб бугун
Опам дала кезар куйлаб бошяланг:

«Қизим сочин узун этгин, ҳамалжон,
Юрганида ер ўпсин қирқ кокили!»
«Ҳамал қандай узун этар. нанажон,
Ҳамал ким у? Борми оёғи, қўли?»

«Ҳамал — баҳор. Ернинг сочи майсалар,
Дараҳт сочи япроқлар эрур, қизим.

Емғир бўлиб ҳар гал қуйилар ҳамал,
Қўли теккан сочни этади узун...»

Қизча дилин ўрар ойдин ҳаяжон,
Ишонч билан куйлагай у бетиним:
«Сочларимни узун этгин, ҳамалжон,
Юрганимда ер ўпсин қирқ кокилим!»

★ * *

Жаранг-журунг, жаранг-журунг,
Осмон қулоғига түлади овоз.
Жарангиды қувонч бордир, йўқдир мунг.
Жаранг-журунг билан этарди парвоз
Бухоролик Ҳусайни зангуласоз¹.

Карвонлар ҳам ўтиб кетдилар бир-бир,
Қўнғироққа шайдо бўлиб ўтди кун,
Бедор бўлиб қарши олди дала-қир,
Жаранг садосида хурсанд қишу ёз
Бухоролик Ҳусайни зангуласоз.

Ҳамон тинмас зангулалар жаранги,
Юрагини Ҳусайни этди қўнғироқ,
Сукунатни қасдма-қасдга оҳанги
Синдиради, жисми бўлгандир тупроқ.
Зангула ясарди ўқимай намоз
Бухоролик Ҳусайни зангуласоз.

¹Зангуласоз—қўнғироқ ясовчи.

ДЕВОНБЕГИ МАДРАСАСИ ПЕШТОҚИДАГИ ТАСВИР

Беғубор осмонга тикканича күз
Қанотларин ёзиб учолмас товус,
Тунлари умиддай ёнади юлдуз,
Кечалар ўтибди, тонглар отибди,
Кўзидан ёшини оқизиб ёлғиз,
Қанотларин ёзиб учолмас товус.
Ёйилган қаноти ерда ётибди,
Оёқлари кишан аро қотибди,
Қўзларига қайғулари ботибди,
Умидини кўкдан узолмас ҳануз,
Оёғига замон занжир отибди,
Қанотини ёзиб учолмас товус.
Умидлари чил-чил синди ҳавода,
Асри қолди «фироқ» деган навода,
Беш юз йилки руҳи эмас афтода,
Асри билан ҳар тонг бўлар юзма-юз,
Армонлари камалакдир самода,
Қанотини ёзиб учолмас товус.
Мен ҳам сирли сайёralар асири,
Қулоғимда юлдузларнинг шивири,
Олиб кетар бу шивирлар охири.
Учаяпман кенгликлар бўйлаб бесўз,
Кўзларимда ўша қушнинг тасвири—
Қанотини ёзиб учмоқда товус.,

* * *

Ака Махсум әдилар жарроҳ,
Аммо синган сүяклар эмас,
Аммо мажруҳ юраклар эмас,
Фақат, фақат ярадор китоб
Қўлларидан топарди шифо.
Дер әдилар: «Бўлмасин нотоб
Ҳайём, Ҳофиз ё Ибн Сино».
Ака Махсум әдилар жарроҳ,
Ҳақиқатга шукrona айта
Саҳифалар тикланди қайта.
Ака Махсум этурлар хитоб
Гоҳи-гоҳи ҳар субҳи сабо:
«Энди сира бўлмагай нотоб
Ҳайём, Ҳофиз ё Ибн Сино!»



Ҳамробибига

Болалар лабига кулги улашар
Бухоро лойидан ясалган ҳуштак.
Милтиқча ясашдан қиласы ҳазар,
Ясайди булбулча, бүталоқ, лайлак.

«Чурр» этиб овоза қылса бүталоқ,
«Чурр» этиб қүшилар митти тойчоқ ҳам.
Болалар севиниб тутади қулоқ
«Уруш», «уруш»ларни унугиб шу дам.

Мақсади лабларга кулги улашмоқ,
Болалар солмасын милтиққа назар.
У билар урушни, билар не фироқ,
«Фироқни билмасдан ўссин болалар...»

* * *

Аскарлардан келарди мактуб:
«Кутиб-кутиб күзларим толди,
Толмадингми сен мени кутиб?
Ғалабага оз күнлар қолди».

Хатлардаги орзу ва умид
Юракларга зўр ишонч солди.
Афсус, кўзлар тупроққа тўлиб,
Мактубларда орзулар қолди.

НЕЧО ЖАДАМ ОГЛАН

Дунёдаги барча милтиқлар
Юрагимни олмоқда нишон.
Дунёдаги барча қүшиқлар
Юрагимга бўлмоқда қалқон.

Дунёдаги барча милтиқлар
Иқболимга отмасин, деб ўқ,
Ёзаяпман мен ҳам қүшиқлар
Юракларга бўлсин деб қалқон.

ПАБЛО НЕРУДА СҮЗИ

Нечун қора кийибсиз,
Азами тирикка ҳам?
Арвоҳимга чўкиб тиз
Мадад истаманг, бўтам!

Тирикка арвоҳ бўлмас,
Қабрлардан изламанг.
Қабр-ку менга қафас,
Тугамаган ҳали жанг.

Сафдадир доим аскар,
Бурч ҳар нарсадан устун.
Кўзимни юмдим бугун
Эрта уйғонмоқ учун.

★ * *

Оёғим йўқ деб чекасиз ғам,
Таёқсиз юришни дил қўмсар.
Қўлтиқтаёқ тиркаб қўйди жанг
Ва бўлдингиз оёқсиз аскар.

Оёғим йўқ деб чекасиз ғам,
Бетаёқ юришни дил қўмсар.
Сизни чўлоқ этдилар, акам,
Хаёллари чўлоқ кишилар...

* * *

Күзларимга киради тоғлар,
Сүзларимга киради тоғлар.
Мен йүқтедім тоғдай отамни
Тоғда...
Одам бўлиб,
Отам бўлиб
Күзларимга киради тоғлар.

* * *

Кимнидир бузди-ку бу ҳаёт,
Кимнидир нокас ҳам айлади.
Мен сенга топиндим, Эътиқод,
Ҳаётга юрагим бойланди.

Бесабот излади тез нажот,
Пасткашлик йўлини сайлади.
Мен сенга топиндим, Эътиқод,
Саботга юрагим бойланди.

Беимон айлади дод-фарёд,
Чўнтакка Ватанини жойлади.
Биз сенга топиндик, Эътиқод,
Ватанга юраклар бойланди.

* * *

Куюн учирмоқда Сомон йўли «сомон»ларини,
Куюн кўчирмоқчи Сомон йўли осмонларини,
Кўкрак кериб унинг йўлларида бўламан қалқон,
Меники ер, меники осмон.

Қарамоқчи Катта Айиқ илинж билан Зуҳрога,
Қирмизи қон хиди анқир оташнафас самодан,
Қанот қоқиб самовотда пайдо бўлгум намоён,
Меники ер, меники осмон.

Бир майсанинг тили қуриб қатра сувга бўлса зор,
Юлдузлар тун бўйи кўз ёш тўкиб, суғорар гулзор,
Муҳаббатнинг атрофида айланади бу жаҳон,
Меники ер, меники осмон.



Шохчалар инграйди шамол дастида,
Япроқлар новдага додлаб чирмашар.
Безовта илдизлар замин остида
Овозсиз курашар.

★ * *

Илдизлар ҳам парвоз этмоқчи бўлар,
Илдизлар ҳам чиқмоқ бўларлар нурга.
Япроқлардан кўкка гоҳ ташлаб назар
Юраклари тўлажакдир суурга.

Юксакликни қўмсайди илдизлар ҳам
Тупроқни қўпориб, кўтариб исён.
Хизматлари эсларига тушган дам
Эсларидан чиқа бошлайди осмон.

БАҲОР

Гумбур гумбур бошлар юриш,
Булутлар карвон.
Аста-секин эрийди қиши—
Тизилар маржон.

Деҳқон каби қўшиғини
Куйлаб беармон
Қўзиқорин уруғини
Сепмоқда осмон.

* * *

Яланғоч новдаларга
Чумчуқлар қўниб олди.
Гўё улар япроққа
Бирдан айланиб қолди.

Қиқир-қиқир барглардек
Маст бўлишди кулгидан.
Улар кекса дарахтни
Үйғотмоқчи уйқудан.

★ * *

Қор қопланар күй билан,
Күй янграйди мусаффо.
Қор қопланар күй билан,
Қорда эрийди наво.

Қор ҳам айланар сувга,
Сел бўлди-ку юраклар.
Қор ҳам айланар сувга,
Куйда эрир йўлаклар.

* * *

Ой нурида қоқади қанот
Қанотсиз хазон.
Ой нурида оқарап симоб—
Шохларда мезон.

Ой нурида яланғоч новда
Сояси титрар.
Ой нурида ёнувчи боғда
Шарпалар синар.

Ой нурида шовиллаб пастда
Сой оқар шитоб.
Сой бағрига киради аста
Сәхргар моҳтоб.

★ * *

Үрмонаң юрардик саир этиб
Шамол, ой, мен ва сен беармон.
Ой қолди биринчи адашиб,
Сүнг шамол адашди ногаҳон.

Кейин сен адашдинг, қейин мен,
Кейин эса адашди ўрмон.
Қолди пастда адашмай замин,
Тепада-чи адашмай осмон...

* * *

Қаллак тутнинг бўйи чўзилди,
Чўзилди қуёш.
Уфққа ўйи чўзилди,
Чўзилди бардош.

Қаллак тутни босиб келди тун,
Эгилмади у.
Йўқотдию рангини бутун
Енгилмади у.

Қаллак тутнинг қўллари чўзиқ,
Қалбиди исён.
Яна чорлар қуёшни қўшиқ,
Рангин, бехазон.

* * *

Деразангнинг кўзида ёш,
Булут йиғладими ё?
Деразангнинг кўзида ёш,
Софиниб тортдингми оҳ?

Очиқ турар йўлга қараб
Деразангнинг кўзлари...

* * *

Чирт этиб узилди күй,
Осмонда сұнди юлдуз.
Чирт этиб узилди күй,
Юлдуз қабри бүлди күз.

Чирт этиб узилди күй,
Само қолди бұзариб.
Чирт этиб узилди күй,
Ой кезар ғамгин ғариф.

★ * *

Қуёш ботаётган пайт эди,
Оёқларим остида хазон.
Қуёш ботаётган пайт эди,
Сен узоқдан бўлдинг намоён.

Қуёш ботаётган пайт эди,
Чиқиб келавердинг уфқдан.
Қуёш ботаётган пайт эди,
Жунжикиб турардим совуқдан.

Қуёш ботаётган пайт эди,
Интизор елкамга қўйдинг бош.
Қуёш ботаётган пайт эди,
Ботди охир бағримга қуёш...

* * *

Моҳтобсиз сўлим кеча,
Чорлагай дилим кеча.
Мен танҳо кезмоқдаман,
Ой чиқар—сезмоқдаман.

Тўлади нурга атроф,
Майсалар кияр зарбоф.
Гарчандки узоқдаман,
Ой чиқар—сезмоқдаман.

Бошимда нурли хаёл,
Дилимда шавқи висол,
Мисралар тизмоқдаман,
Ой чиқар—сезмоқдаман.

★ ★ ★

Бошин чўзиб девордан
Дарахтлар мўралайди,
Шўх шамолга интизор
Кўринмас шамол дайди.

Деворларнинг кифтига
Дарахтлар тирайди қўл,
Шамолжонни кутар зор,
Қимса йўқ «ҳув» деяр йўл.

Девор ошиб дарахтлар
Чиқарлар унга пешвоз.
Висол истаб беозор
Шамол бермоқда овоз.



Шамол йиртди тун күйлагини,
Осмон юзи қизарди.
Булбулгинам, қани күйлагин!

Ховузларда чўмилиб шамол
Турғунликни бузади,
Исёнларга кўмилар хаёл.

Турғунликни севмайди юрак,
Томирда қон кезади,
Турғунликни бузмоғим керак.

Шамол йиртди тун күйлагини,
Қуёш қанот ёзади.
Юраккинам, қани күйлагин!



Хидлар бесас ғазал айтади
Ранглар ёйилар.

Мажнунтол ҳам куртак отади
«Қани Лайлим?» деб.

Майсаларда күкарап баҳор,
Нақадар тиник.
Узоқлардан ям-яшил шамол
Келтирап қўшиқ.



Бола борар бобосини етаклаб,
Чол кўзида қўрғошиннинг туслари...
Бобо борар неварасин эркалаб,
Хурсандликдан қулмоқдадир юзлари.

Гўдак қувнаб кўрсатмоқда унга йўл,
Хавф-хатарсиз йўлаклардан ўтмоқда.
Неваранинг кўзи билан кўрап ул
Гиёҳларнинг рангин кўҳна тупроқда.

Неваранинг кўзи билан буғдойзор
Тўлқинини қониб-қониб кўради.
Неваранинг кўзи билан беозор
Капалакни хаёлида қувади.

Неваранинг кўзи билан ҳар оқшом
Осмондаги юлдузларни санагай.
Неваранинг кўзи билан беармон
Чор-атрофга қарагай у, қарагай...

★ ★ *

Рангинг бутун бўлмиш заъфарон,
Сингилгинам, олма дарахти!
Баҳор чоғи сенга беармон
Боқар эдим, оламим баҳти.

Бугун қолдинг қўлинг силкитиб,
Кўз ёш каби тўкиб баргларинг.
Қиши келмоқда энди титратиб,
Титрагайдир сенинг қалбларинг.

Дунё ўзи қизиқ, сингилжон,
Кимки қишига чидаса агар,
Баҳор гулга буркар бегумон
Ва баҳт яна ташлайди назар.

Қўй йиғлама, айлагин бардош,
Бир кун қайтар яшил япроқлар.
Томирларда қезаркан кураш,
Яна гулга тўлгай қучоқлар.

* * *

Кишлоқда бор эди эски тегирмон,
Одамлар келарди ҳар кун тизилиб.
Беором сасидан оларди ором
Етмиш яшар бобом уни юргизиб.

Бұғдойни оқ унга айлантиради,
Энг савоб иши шудир деярди бобом.
Ушанда үтарди қувончу дарди,
Иилларни майдалаб борар тегирмон.

Тегирмон тұхтади у келмаган кун,
Уша кун уни сепди қишлоққа осмона..
Кейин айланмади тегирмон бутун,
Мен каби бобомни кутар у ҳамон..

★ ★ ★

Келгин.

Құм уйларни яна қурайлик—

Тақдирнинг устидан кулайлик.

Келгин.

Болаликка қайтайлик яна,

«Оқ терак»ни айтайлик яна.

Келгин.

«Биздан сизга, дегин, ким керак?»

Хатосини тузатсинг юрак...

★ * *

Тиниқ тунда эрир эди
Диллардаги соғинч ҳам.
Ажиб қўшиқ тўқир эди
У тор чалиб дамодам:

«Белбоғимнинг гулларидан
Қўлинг ҳиди келмоқда.
Чирмашади гўё маҳкам
Гул қўлларинг белбоққа.

Белбоғилилар ваъдалари
Ёлғон бўлмас, нигорим.
Рубобимнинг пардалари
Вафоны куйлар доим.

Қишлоғимнинг йўлларида
Хаёл қурғур елмоқда.
Белбоғимнинг гулларидан
Қўлинг ҳиди келмоқда».

ЭСКИ БУХОРО ХАЛҚ ҚҰШИФИ

Менда агар бўлса той
Сени ўтқизар эдим.
Йўлим тўлмас тоғу сой,
Дунёни кезар эдим.
Лала-лум, э, вой!
Лала-лум, э, вой!

Менда бўлса агар той,
Бўлмас эдим хизматкор.
Йўлим тўсмас подшоҳ, бой,
Йўлим тўсмас ёмғир, қор.
Лала-лум, э, вой!
Лала-лум, э, вой!

Афсус, менда йўқдир той,
Лала-лум, э, вой!
Лала-лум, э, вой!

* * *

Кўпригингдан бир куни
Тугмача топиб олдим.
Тугмача кўзликкинам,
Мен сени севиб қолдим.

Ўтсин, майли, ёзу қиш,
Етади менда бардош.
Қалбингга киради ишқ,
Қалбинг бўлса ҳамки тош.

Эрийди қалбинг сим-сим,
Бўлмайди сўнг дилинг ғаш.
Севги ахир, зўр тилсим,
Сени енгар, париваш.

Кўпрингингдан бир куни
Тугмача топиб олдим.
Тугмача кўзликкинам,
Мен сени севиб қолдим.

МУНДАРИЖА

Жаранг-журунг	8
«Жилдир-жилдир...»	4
«Кокилингни...»	5
«Қүйилганда ҳамал...»	6
Жаранг-журунг	8
Девонбеги мадрасаси пештоқидаги тасвир	9
«Ака Махсум...»	10
«Болалар...»	11
«Аскарлардан...»	12
«Дунёдаги барча...»	13
Пабло Неруда сўзи	14
«Оёғим йўқ деб...»	15
«Кўзларимга...»	16
«Кимнидир бузди-ку...»	17
«Қуюн учирмоқда...»	18
«Шохчалар...»	19
«Илдизлар ҳам...»	20
Баҳор	21
«Яланғоч новдаларга...»	22
«Қор қопланар...»	23
«Ой нурида...»	24
«Үрмонда юрадик...»	25
«Каллак тутнинг...»	26
«Деразангнинг кўзида...»	27
«Чирт этиб узилди...»	28

«Қуёш ботаётган...»	29
«Моҳтобсиз...»	30
«Бошин чўзиб...»	31
«Шамол йиртди...»	32
«Ҳидлар бесас...»	33
«Бола борар...»	34
«Рангинг бутун...»	35
«Қишлоқда бор...»	36
«Келгин...»	37
«Тиник тунда...»	38
Эски Бухоро халқ қўшиғи	39
«Қўпригингдан бир куни...»	40

На узбекском языке
САДРИДДИН САЛИМОВ
МОЙ ЛЕБЕДЬ

Стихи

Редактор Ш. Раҳмонов
Рассом Ф. Гамбара
Расмлар редактори А. Бобров
Техн. редактор М. Исмоилова
Корректор О. Турдибекова

ИБ № 631

Босмахонага берилди 16. 01. 79. Босишига рухсат этилди
20. 02. 79. Формати 60x90 1/32. Босма л. 1,375. Шартли босма
л. 1,375. Нашр л. 0,75. Тиражи 5000. Р. 08872. Faфур Fулом
номидаги Алабиёт ва санъат нашриёти. Тошкент, Навоий кў-
часи, 30. Шартнома № 217—78.

Ўзбекистон ССР Нашриётлар, полиграфия ва китоб савдоси
ишлари Давлат комитетининг Бекобод шаҳар босмахонасида
№ 1 қоғозга босилди. Бекобод 1979 йил. Заказ № 182. Ба-
хоси 10 т.

Уз
С 26

Салимов Садриддин.

Оққушим: Шеърлар.—Т.: Адабиёт ва санъат нашриёти, 1979 С.—44б.

Ёш шоир Садриддин Салимовнинг илк тўплами Бухоро ва бухороликлар ҳақидаги лирик-фалсафий туркум ҳамда самимий, ҳароратли ишқий шеърлардан иборат.

Салимов С. Мой лебедь Стихи.

Уз2.

Садриддин Салимов 1946 йилда
Бухоро шаҳрида туғилган. 1972 йил
Бухоро Давлат педагогика институтини
тамомлаб, ҳозир шу институтда немис
тилидан дарс бермоқда.

10 т.

